

升菴太史遺集

卷之十

太史升菴遺集卷之四

成都楊慎著

孫金吾宗吾輯

濟南王象乾校

丹陽湯日昭閱

七言古詩

畫馬圖

君不見軒轅黃帝乘翠黃倏忽仙去鼎湖傍又不見
瑤池八駿周穆王驚沙噴玉歌屢章雲螭月駟空形
影青箱丹笈傳芬芳好事者誰寫高足史家道碩荀
家勗將軍曾霸唐名流早年筆法師兩侯胷中元自
有千里超超直欲度華騶祇今惟知韓幹畫兒童亦

解愛唐馬縑素往往混麋真屏障紛紛競模寫方歎
乃稱善相人葉公豈是真好者神駿只可支道憐牽
纏不受胡奴鞭舞羞興慶登床後鳴斥開元立仗前
追風躡電龍爲友沙北日南徧奔走天邊鴻鴈伴哀
嗷地下麒麟在郊藪迷道休詢襄野童盈虛試問塞
垣翁不見古昔茂陵上劉郎石馬嘶秌風

雪山歌

君不見雪山玉立天西頭使君新起迎仙樓粉霞堊
翠天尺五恍如方壺與瀛洲又不見樓中仙人雪山
子質抱瓊黃服金紫夕服沆瀣吞淪陰朝茹靈芝和

石髓楚國湘纍蜀謫仙
光焰日月懸千年沉酣大雅
憐紉素枕籍離騷拾蕙荃
因思謝眺吟紅藥玉湖亦
動蘭池作瀾翻華底湧波濤
磊落胸中著丘壑瑟瑟
秋氣迎初商碧霄如拭鮮
颼涼塞垣鴻鴈來千里河
漢文章仰七襄天籟爲歌露
爲酒弄玉傳盃飛瓊走
還賡白雪郢中篇遙指群仙
爲君壽

送客還西江

武昌楊柳荊州麥楚江
春色催行色萬里遙憐左蠡
人十年同作南滇客烏凹門
前紫荇莊歸來養拙更
何鄉鬱金美酒盈千斛藥玉
新蕤醉幾場

連然新井贈塩司張松巖

連然新井自漢代孟堅地志分明載昆池鄩闡恣斟
斟笮馬髦牛無負載松巖張君爲塩官一軟不飲塩
井泉緇瓶勿幕契易象鳴夷掛車嗔太玄脯苔齧
爲朝夕漆髮方童映金碧井絡儲精下水衡新井忽
穿盈百尺竈丁伐木何丁丁聲聲牢盆歌頌聲君不
見濁河九曲滂神京寧知安寧之井徹底清

南安守行

楚雄郡在滇雲間屬州斗大名南安韋裳椎髻滿夷
箐刺桐毛竹紛交攢狼子野心獷難制寇巢盜屈相

糾蟠分符長吏噢且咻相戒咸欲服以寬蟻聚蜂屯
盈千萬積漸多於鄭宅莞新守者誰苟其姓下車亟
欲鋤神奸誓戮鯨鯢一鼓盡芒蜎草恙無遺管蛟翼
負山碎未殪積衛填海力已殫蠆亦有毒吁可恠虎
豈易搏驚傍觀官中了事是痴絕何如袖手同堂餐
紅雲一朵天北極白日不照天之南

蒼洱圖贈葛志貞

洱河流水向南流形如半月抱海洲神禹導水漢拓
地九州之外益一州點蒼山在孤雲頭瑤臺佚女登
高丘四時莽蒼霾白雪冰崖鳥道可盤折翠微空濛

霄幙懸玉泉灑落天紳揭自昔天地閉劃然方隅裂
聖代掃氛埃萬里通航轍西環南濛貢明堂洱水蒼
山歸職方軍戍荒亭星列張夷歌槃木夜成章葛君
風裁古良守紫亭分符望南斗耀日蟠龍文彩先出
池神馬聲名後桂嶺風烟開早春榆城車騎重逡巡
朱轡天上留遺愛蒼洱圖中舊主人迷方我亦多曾
住坐嘯行吟幾朝暮圖中何處取關情玉局雲峰石
泉樹點蒼莪莪西洱長相別相逢俱異鄉山高水遠
望不見君旆悠悠君馬黃

臨安春社行

臨安二月天氣暄滿城靚粧春服妍花簇旗亭錦圍
巷佛遊人嬉車駢闐少年社火然燈寺埒材角妙紛
紛至公孫舞劍駭張筵宜僚弄丸驚楚市楊柳藏鴉
白門晚梅梁栖燕紅樓遠青山白日感羈遊翠尊清
尊詎消遣宛洛風光似夢中故園兄弟復西東醉歌
酩酊月中去請君莫唱思悲翁

壯遊篇贈劉叔肖還汴

散花樓前花霧輕濯錦江邊錦水平金堤玉津乘月
發驥子魚文衝曉行四馬橋臨關市踞碧鷄坊對昇
仙鋪楊白花滿葭萌城冬青樹暎桔栢渡之子多才

更早騫趨庭千里自梁園青藜燈火栖烏府縹筆荃
蹄避馬軒君不見奇遊太史漢司馬平生足跡半天
下鴻門烏江吊劉項汨羅清湘懷屈賈悲歌感慨凡
幾年風流文采至今傳酒酣耳熱忘頭白爲子一賦
壯遊篇

光明寺丁香樹歌

雙林一夜撼秋頻肯放丁香作好春紅纈青羅秦弄
玉錦帷瓊珮衛夫人道人掃地明如鏡猶種天花滿
行徑香山不帶美人來正恐摩伽亂禪性

遊罷谷山始發卽事

罷谷山在寧河頭汧河之水此源流荒經海圖有徑
證欲拾芘碧尋靈湫李公龍眠約未果董生邵南幸
同遊是日雨晴辰角曙天光淨綠遙嵐浮石路無塵
水聲裡恍如天樂鳴琳球無名秋花綴錦谷亂下木
葉隨苔漚絕勝樊籠在塵市登臨暇日鎖煩憂風馭
雖非列禦寇尻輪寧待莊子休殷勤爲我謝逋客

楊宗

道許同遊行
臨岐逃逸矣

春蘿罷月飛群鷗

虬顙州端歌送王良臣北上

虬顙州端如頰玉醉筵幾覆杯中綠
竭來辭我上神都四座狂歌悄終曲
前年迎君東橋頭今年送君遙

岑樓流霜逝水朝還暮官樹陌塵春復爍關索嶺上
試回首憶君後夜君知否

汶社行送水部章後齋上京

君有長風興乘春向日邊庾公樓上月已照李膺船
李膺船繫江陽樹蔥鶯彩鷁何由駐不得相隨賦遠
遊與君齊榜江陵路愛君卓犖出群才早年獻賦黃
金臺四傑篇章紛綺繪八元名姓燦昭回慎也哀遲
晚傾蓋汶社相依接襟帶激楚流風汗漫遊裁詩刻
燭逍遙會海內知音無幾多良辰彥夕數經過歡娛
未盡忽化別柰此楊朱岐路何垂楊裊裊江花暉鄭

重結裝傷委璫懸知此後北夢頻日暮碧雲斜漢左
好騁亨衢策上勲功名在子寧殊我擘長牋賦短篇
放懷爛醉東風前誰言絲竹能陶寫佇立銷魂自黯
然

灣甸茶歌送劉通判之景東

柘東丹極春滿邊灣甸有茶名字傳惜不逢炎皇與
岐伯復不遇鴻漸偕玉川英華阻貢日月篚芳菲只
結煙霞綠灣甸山蟠赤虺路溟陰迤西蒼莽互羊韋
羗兒背負籠籠若重重香滿風子去官柘東蕭洒亦
仙吏清泉湛浮塵白日少公事烏巾白袷對青山品

水尋烟衙院閑松濤遙起瘴厲外茶星宛在象緯間
劉侯劉侯雅好事別後遠能致莫徒寄我相思字

題梁霄正蒼山奇石屏

蒼山崖峩十九峯暮靄朝嵐如白虹南中詩人有奇
句天將玉帶封山公賦形比物一何似昔聞今見將
無同何年巧匠斲山骨縮入君家石屏中恍疑黃鶴
樓前晴川芳草景歷歷又若滕王閣上長天秋水烟
濛濛海岳研山何足貴坡仙雪浪難爭雄我言非誇
君不見前年曾獻明光宮

雲寮篇送釋真著歸霧中山

詩裏無僧句不清雲僧况是有詩名僧廬元在霧中
住雲收霧散歸山去山房請我題雲寮碧雲詩和白
雲謠雲邪霧邪遠莫辨禪誦山中昏復朝

高嶢海莊見月蝕即事

月蝕中元海波暝高嶢甯簾聲相競繞巷焚香拜且
呼銅鉦敲作青鸞鏡白首空餘蟣蝨臣王川舊詠轉
悲辛清光咫尺須臾復依舊妖墓住結璘

改訂稿前四句同後云上方此夕鑄刀鐔爲備
神姦不許侵如何咫尺清光復依舊妖墓伴太

陰○唐牛設琵琶行好似長安月蝕時滿城敲

動青鸞鏡擊鏡救月蓋唐俗也高曉村民無鏡
以鉦代之亦古俗乎

贈劉東圃太守

錦里仙人金陵客井絡岷精餘氣色三山二水卜新
亭五渚九橋懷故國碧雞金馬向南滇皂蓋朱轡照
遠天鈴閣朝聆鴻蒼頡藜燈夕注豹韜篇楊林城中
一邂逅凝和橋邊復分手惜別能忘蜀國弦相思且
醉秦淮酒

送毛東鎮

給諫用成之子

君忠節之子孫公車待詔重高門江湖魏闕子牟

遠墓田丙舍鍾繇存伏蒲內殿有膝跡請劍上方猶
血痕鳳雛驥子定須繼懲羹吹虀非尔論

樓溪圖引爲崔憲副公兆賦

少華山上天神泉匡廬峯前瀑布懸名公此圖無乃
似展卷爲賦樓溪篇樓溪溪水水三疊崿流承響聲
不絕盡橋波卧彈晴虹銀屋浪翻飛暑雪新月澄潭
綴曲瓊雜蒨羃洲疑碎纈樓溪主人清且奇亭伯才
名子玉辭誅茅結宇幽栖處升龍尺木鳴鳳枝君莫
學唐朝玄真子綠莎青箬烟波裡又莫學楚澤清烈
公芰製荷裳吟澤中紫廬青閨近天河德水恩波太

液多元元願普天瓢閨湛湛還賡晞露歌

遊丹壺洞天

枕榔籠青嵐霧黃炎林昨暝試新霜稅鑾雲丘騁望
遠騰吹寒山歸思長釣魚美人與何極呼鷹烈士情
未忘世慮紛紛者誰靜當歌乍可訴華觴

癸卯赤水除夕

歲除歲歲長途裡今歲歲除經赤水玄兔寒隨北陸
回深天涯比屋皆封雪車冰柱繞城陰玉筍瓊枝照
座深天涯比屋皆封徧轉見年年舜日心

梅池歌爲茂州嚴太守賦